

○襁褓芽兒出痘

所謂芽兒者不分男女。或生下不上十日。或半月一月俱謂之芽兒。以其初出胎懷。隨母在產房之內。未經風日。如穀種之萌芽。此雖吳楚俗語。其中有至理存焉。如身熟一日。切不可指為驚風雜症。用藥妄治。予曾治一芽兒出痘。先問其家有出痘之男女否。彼曰有。予向主人曰。今且勿藥。姑少待之。俟來早再看。至次早看其面部。已報痘苗。兩三顆矣。亦不必用藥。俟至三日。痘已出齊。通身上下手足。不滿二三十顆。至第四日。次第長漿。第五日。灌漿充滿。尖圓紅潤。第六日。漿足回水。先從腎囊結痂。有兩三顆黑色。予初見之而驚疑。因其身又不熱。喫乳又好。睡又安靜。因思未出房幃時。令之濁氣溝渠之穢氣。俱不能侵。且腎囊居至下之位。天一所生之真水係焉。地六成之。是腎氣生於五行之初。而亦成於五行之始。宜其先屬及至七日。而通身之痘痂已落。其半此乃出於常格之外。未可以十二日拘泥也。或問之曰。子言未出房幃時。令之濁氣溝渠之穢氣不能侵犯。固言之有理。獨不思產婦房中。產婦懷內。能無產後瘀血而厭穢者乎。予笑而應之曰。氣血原屬一本。非外人可比。正所謂母不厭子也。

○年長男子出痘

男子自二十三十以及四五十歲。俱謂之年長。有婚配多年者。亦有生子及孫者。未免真元虧損。更加時令不正之氣傳染而出。痘順症固不必藥。險症易於變逆矣。治者須知水虛則難制火。故雖見口渴心煩鼻衄咽痛熱症。不可純用清涼苦寒之劑。五六日前。惟用參麥清補湯。足以清熱。足以催漿。連服三五劑。必能奏效。設至七八日膿漿不行。急宜以參歸鹿茸湯內調。雞冠血治之。但得漿行。庶可無虞。

參麥清補湯

方參麥清補甘草為半生半熟紅花著生耆歸地桔川芎花粉前著查肉度
錄炙甘草三分生甘草二分酒炒白芍五分生白芍三分紅花酒洗人參各五生黃耆三錢前胡生地黃

麥冬酒蒸山查各一錢白花粉酒蒸牛蒡各八分當歸酒洗川芎各七桔梗各七生薑一片龍眼肉二個同煎

溫服

參歸鹿茸湯見卷三七暈門

○室女出痘治法

○發熱行經

室女出痘天癸至發熱升麻葛根湯元氣虛弱參蘇飲腹痛酒炒香附良如期毒亦隨血解不須妄治過驚慌

釋室女者十四歲以後謂天癸已至尚未嫁者也若發熱之際天癸暴至不必驚惶當問其及期否或前後錯日

否又問其腰痛腹痛否惟按發熱治法用升麻葛根湯或元氣虛弱則用加減參蘇飲倘或腹痛加酒炒香附

以和其氣如日經如期而行者則毒隨血解不必妄加施治

升麻葛根湯加減參蘇飲二方俱見卷二發熱門

○經行先期

發熱經行非正時火邪迫血血奔馳涼血解毒方中病元參地黃湯亦宜

釋女子非經行之期於發熱時而經水忽至者乃火毒內熾觸血妄行其毒必盛其血必多急用涼血解毒湯倍

加連翹牛蒡或元參地黃湯治之若因循隱忍則血愈虛而毒愈熾不旋踵而伏膈內攻雖有良醫亦難治其

後矣

涼血解毒湯

方歌先期經水或妄行毒火內擾於胞中涼血解毒歸地紫翹芷牛桔連丹紅

錄當歸酒洗半錢生地酒洗一錢紫草研末白芷各八分桔梗六分丹皮五分黃連酒炒紅花生甘草各三分連翹

牛蒡子各錢半燈心為引水煎服

元參地黃湯

蘇生地 元參 丹皮 升麻 梔仁 炒蒲黃 甘草 生燈心 十莖 水煎熱服

行經不止

熱入血室血妄行過期不止使人驚四灰調酒須先服四物解毒毒自清

釋發熱之初經期適至則毒隨血解固不須治然過三四日血猶不止此熱邪乘血室之虛迫血妄行治之不容緩也急以四灰散調酒與服止之若猶不止宜以四物解毒湯加元參甘草治之

四灰散

蘇舊棕

若杉樹皮 胎髮 臍帶 俱燒灰存性調酒服

四物解毒湯

蘇當歸 生地 白芍 川芎 黃連 黃柏 黃芩 梔仁 元參 甘草 水煎熱服

經後謔妄

適逢發熱經斯斷熱入子宮謔妄生此際莫作寔熱治逍遙歸脾後先清

釋發熱時經水適斷宜早服柴胡四物湯以防血室空虛毒邪乘虛而入致生他疾若也憎寒壯熱神識不清見

聞妄誕言語錯亂此陰虛似寔切不可以寔熱治之蓋經行之後血室空虛心以生血血竭則心神不寧肝以

藏血亦且藏魂血盡肝虛神魂自不能定此謔妄所由來也痘未出宜以逍遙散加丹皮主之痘已出宜以加

味歸脾湯主之

柴胡四物湯

蘇當歸 川芎 生地 白芍 柴胡 人參 黃芩 麥冬 知母 地骨皮 淡竹葉 生薑一片同煎熱

服

加味逍遙散

蘇白朮 茯苓 當歸 白芍 生地 柴胡 甘草 加丹皮 梔仁



加味歸脾湯

錄人參 黃耆 白朮 茯神 棗仁 遠志 當歸 木香 甘草 加柴胡 桅仁

崩漏

崩漏多時血已枯通逢出痘更堪虞十全大補湯雖緩濟弱扶傾在吸呼

釋女子正值崩漏適逢出痘則氣血俱虛必不能送毒出外急宜大補氣血否則痘不能出雖出亦易倒陷矣遇

此之症速以十全大補湯或參歸鹿茸湯主之

十全大補湯

見卷三怪痘門參歸鹿茸湯見卷三七痘門

閉經

女子居經日已賒況逢此際又天花桃仁四合雖除垢猶慮胞門隱毒邪

釋

女子一向經閉血海已涸適逢出痘毒氣滯於衝衛之間致生乖戾者有之故發熱之初即當滌除停垢以桃

桃仁承氣湯

錄桃仁二十粒去尖研泥 大黃二錢 酒潤 紅花一錢 桂枝尾 甘草各五分 先煎大黃紅花桂枝甘草湯成去滓入桃仁泥化

開空心服

四物合勻氣散

錄當歸 川芎 白芍 生地 木香 京查肉 炙甘草 水煎不拘時服

失音

經行暴啞毒邪侵血出津枯乍失音養血利竅亮何藥當歸養心勝千金

釋女子出痘經水忽行暴啞不能言蓋心主血舌乃心之苗血去則心虛心虛則少陰之脉不能上榮於舌故至

失音先以當歸養心湯養其心血利其心竅自然能言後以十全大補湯調之



南京中医药大学图书馆版权所有

當歸養心湯

旗當歸 人參 麥冬 生地 茯苓 甘草 生燈心 十二根為引 水煎服

起灌經行

起發成漿忽動經氣隨血散豈能停十全大補可通用調元內托腦伏靈

釋女子出痘當起漿灌漿之時忽然行經恐血氣太虛痘易倒陷急宜大補氣血用十全大補湯或參歸鹿茸湯

主之治若少緩致痘應起不起應灌不灌頂陷灰白仍宜用十全大補湯及調元內托散外用胡荽酒噴之使

痘起漿行或於空處又出一層則為吉也若服此不效寒戰咬牙喘急腹脹反增他症則不治案

調元內托散

方錄人參 黃耆 肉桂 木香 當歸 川芎 白芍 附片

胡荽酒

方錄胡荽 四兩 黃酒 半斤 同煎

○孕婦出痘治法

妊娠出痘有真傳惟有安胎法最先不可令胎輕觸動胎元觸動命歸泉

釋妊婦出痘痘家最忌蓋痘毒出於五臟痘毒發越則風火相搏必致動胎胎動則氣血耗散勢必不能送毒行

漿況痘家用藥多主溫補如半夏肉桂之類皆為孕婦所忌而黃芩為藥又非痘家所宜此孕婦出痘所以最


難調治也遇此總以清熱安胎為主

○發熱

孕婦出痘本異常初熱不必問奇方升麻葛根加芩朮托痘保胎兩安康

釋有孕之婦遇出痘時急宜遠出迴避若至出痘當發熱時即以保胎為本以托痘為標仍用升麻葛根湯加酒

炒黃芩土炒白朮以保護其胎元夫黃芩寒涼易至冰毒若無孕不敢早用然有孕而毒火薰蒸不用黃芩以



南京中醫藥大學圖書館藏

清內熱胎必不能保矣。至於出聲熱或未清黃芩亦不妨再用。

○見點

見點調治問如何。安胎飲宜服之多。渴用參朮散加減。泄須黃芩二湯和。血動四物芩連入。腰疼保和散不願。孕婦出痘終始以安胎為主。故見點後多服安胎飲為佳。渴者則用人參白朮散加減。泄者則用黃芩湯。合。君子湯內加訶子。血動者四物加芩連。腰疼者保胎散宜早服。總之不問輕重。悉以清熱安胎為主。

安胎飲

方錄人參

白朮 條芩 當歸 白芍 川芎 砂仁 蘇葉 陳皮 地黃 熟甘草 生薑三片 紅棗三枚 水煎服

煎溫服

黃芩湯合四君子湯

方錄黃芩

白芍 人參 茯苓 白朮 甘草 訶子

芩連四物湯

方錄當歸

白芍 地黃 川芎 黃芩 黃連

保胎散

方錄保胎

當歸 川芎 茯苓 玉竹 續杜 炒黃芩 白朮 各等分。腰疼用此方宜早。

方錄玉竹

酒蒸當歸 三錢 續斷 酒炒 杜仲 各錢半 茯苓 黃芩 酒炒 白朮 各一錢 川芎 甘草 各八分 水煎服

○灌漿

痘暈紅紫須清毒。白朮加入五六分。淡紅淡白內托散。去桂增朮可解紛。

釋長漿之際

痘暈紅紫。此血分有熱。必用清毒活血湯。內有黃芩。外加白朮五六分。以固胎元。胎必不動。若痘暈淡紅。以及淡白。必用千金內托散。倍加參耆。去肉桂。外加白朮一錢。以固胎元。胎必不動。此母子兼治之法也。

墮胎



孕婦出痘勢正危更逢胎墮真遲疑外用平人大產法內將湯藥按症施加味保元治稠密十全大補調元虧小腹若痛瘀未盡用黑神散正相宜

釋

孕婦出痘以安胎為主若從前不能按法調治至熱氣內蒸而墮胎者多矣遇此等症令老成穩婆摩挲扶產母以熱水淨沐下身扶其上床不要倒睡必須強坐一二刻用滾水滲白酒一鍾入童便半盞和服行其瘀血若痘稠密用加味保元湯氣血虛甚用十全大補湯若小腹急痛瘀血未盡也宜黑神散以滌除之寒涼不可

加味保元湯

方

加味保元參耆歸川芎芷桔厚樸隨紫草防風牛子共白芍肉桂最相宜

辯

人參黃耆當歸川芎

白芷桔梗厚樸紫草防風牛子白芍肉桂

十全大補湯

見卷三怪痘門

黑神散

方

黑神散中熟地黃歸芎甘草桂炮姜蒲黃黑豆和香附去瘀生新是良方

辯

地黃熟當歸川芎

甘草肉桂炮薑蒲黃炒黑豆香附醋炙童便酒調服

○產後出痘

產後如逢出痘瘡此時胎去免憂惶只憑補助收功效莫犯寒涼生氣傷

釋

婦人產後出痘只以大補氣血為主十全大補湯是此時要方中白芍亦用好酒炒熟不可妄用寒涼以傷生發之氣也

痘疹精詳卷九

宋水周 冠甄陶氏編輯

○麻疹金鏡賦

麻雖胎毒多帶時行氣候寒溫過當男女傳染而成其發也與痘相似其變也比痘匪輕愚夫每多玩忽為知微乎
死生毒起於胃熱流於心始終之變腎則無症臟腑之傷肺則尤甚初時發熱儼似傷寒目出淚而不止鼻流涕而
不乾咳嗽大急煩躁難安以火照之隱隱皮膚之下以手摸之磊磊肌肉之間其形如芥其色若丹隨出隨沒自隱
乍現根窠若腫兮麻而兼癰皮膚若赤兮麻且雜斑似錦而明兮十有九吉如煤而黑兮百無一痊麻毒最重治法
不同微汗常出熱勢越而不留清便自調毒氣行而不壅腰理拂鬱兮即當發散腸胃秘結兮急與疎通視大
若細恐變吉而為凶故衄血不必憂邪從衄解利瀉不必止毒以利鬆所喜者身中清涼可畏者咽中腫痛飲漿不
休法在生津養血飲食若減方須清胃和中又如出之太遲或為風寒所束急宜發表出之過甚猶慮積熱恒多更
須解毒毋伐天和常視歲氣寒威凜凜毒勢鬱而不行火熱炎炎毒氣乘而作癰或施溫補勿助其邪若用寒涼休
犯其胃制其過但取其平驅其邪勿傷其正或寒或熱藥性之陰陽自異為虛為實人生之強弱不齊人品固宜詳
觀藥味亦當深究防風荆芥散腠理之留邪升麻葛根開榮衛之蘊熱點子未現之初乃先行之要藥人參養氣生
地涼血氣虛血熱非此難安黃連入心而瀉火黃芩入肺以清金熱留心肺非此莫除元參石膏治邪火之浮游梔
子連翹開惡毒之鬱結此疹家之要藥解毒方中必用瓜蔓潤肺止渴須合麥冬知母降火生津必同黃柏當煩渴
在所必加芍藥住乎腹痛白朮止乎脾泄小便澀兮苓通咽喉痛兮甘桔心神悸兮鎮以辰砂大便秘兮利以
牙蘆生疳文蛤配乎溺白喉痺咽痛射干助以牛蒡五味杏仁治喘氣之噓噓薄荷竹葉解膚熱之焯焯火燒人屎
蜜炒麻黃發斑毒之出現令邪氣之舒張枳殼山查消脾積而化毒兜鈴地骨解肺熱以回瘡癰疹既出將息尤難
坐卧宜暖飲食宜淡風寒若受兮為腫為熱鹹酸不禁兮為咳為喘穢若觸兮發痒嚴寒搏兮消沒調理失宜輕而
變重飲食不節安者反危便多膿血兮腸胃夾熱咳多痰涎兮華蓋傷寒口爛唇瘡心脾之火未退毛焦髮槁榮衛



之液將枯。治此變症。各有奇方。身熱不退。柴胡乾葛四物口瘡若甚。甘桔對乎三黃消腫定喘。今蓋應有效。化痰止咳。順氣為良。氣血果虛。八珍增損。而可用水穀不納。二陳斟酌。以相當痢血。今查連丸去蔻。而加地榆。芩柏。咳血。今五物湯去麻。而加茅根。地黃。此疹家之治法。繼痘科而再詳。

○麻疹西月

胎毒現為麻疹。蓋因毒火薰蒸。遍身點似硃砂形。發自胃經一定。切忌黑痧死症。最宜赤似朱櫻。大都治法。清涼不許辛甘犯禁。

麻疹因何咳嗽。只緣心肺相連。肺金毒火苦熬。煎以致咳嗽氣喘。治宜清金降火。不可誤用辛甘。譬如危子。慈龍烟。只要氣鬆火通。

初熱狀似傷寒。其間如何分辨。症多咳嗽有紅斑。噴嚏眼中水現。或見腹中疼痛。或時吐泄。相兼麻疹吐瀉。不顯嫌毒。因嘔泄而宣。

麻與痘瘡異治。二家不可同方。痘宜溫補。麻宜涼。只要現形為上。風寒閉而不出。其間凶險難當。急宜發散。保安康。最怕神昏腹脹。

凡遇麻疹出現。詳看時令如何。假如日暖又風和。敗毒荊防方可。若是時行疫熱。芩連消毒宜多。用心調理。救沉痾。坐井觀天。莫學。

且論荊防敗毒。直為發散仙方。荊防生地要相當。酒炒芩連二樣。桔梗甘草人參。連翹牛蒡無雙。元參黃柏製更良。竹葉升麻停當。

又有芩連消毒。散火解毒尤佳。芩連梔子及升麻。桔梗元參多把。石膏甘草知母。連翹牛子紅花。引用淡竹要多加。此個方兒無價。

發散仍前不出。真個令人憂疑。麻黃酒蜜煉如煤。芩連梔柏當施。更着大黃酒炒。連翹牛蒡相宜。石膏蟬蛻紫紅歸。不效命離塵世。



如見出時紫黑此症自古多凶急求人冀路朝東火煨成灰取用細研酒調吞下須臾黑色轉紅若還依舊黑朦朧管取黃梁一夢

痢已現形發熱化斑湯是真傳石膏甘草及元參桔梗連翹靈驗若是毒多熱甚苓連消毒為先大便秘結大黃赤

痢使微瀉數遍痢疹類多咽痛火邪薰灼無他連翹甘桔要多加牛蒡射干同下外用十宣妙散吹喉休要吁嗟假如藥後有重差

消毒苓連妙也痢疹更兼瀉痢預先用藥調醫瀉時減桂五苓宜加上甘草滑石如是痢兼赤白香連九子相隨大端痢止便為奇

不效令人疑忌麻咳聲聲氣促只消降火清金赤苓梔子並黃芩枳梗石膏靈應知母人參地骨瓜蒌杏仁元參麥冬牛蒡妙如神

竹葉將來作引痢後切防四症因循多致誤人偏身久熱久清寧咳嗽連聲牽引牙齒疳生走馬痢下赤白難禁各求方法貴精純

始稱醫中絕品為甚身中壯熱只因餘毒連綿金花九子用苓連猪胆梔子堪羨鬱金雄黃解毒燈心地骨湯煎若還脾弱熱長延

集聖胃苓任選咳嗽頻頻不止或因不忌酸鹹又加火毒師家延尤恐胸高氣喘體寔兼行寧慮神虛清肺為先如斯調理保安痊

莫向風波弄險口舌生瘡臭爛此名走馬疳疳金花九子好求安外用除疳妙散先取尿缸白垢火煨白色如鹽再將五構銅綠漆

砒棗燒灰靈驗赤痢下時鮮血黃連柏葉槐花枳殼荆芥穗同煎痢止血除方罷白痢吳萸滑石檳榔枳殼升麻烏梅取肉作丸佳

赤白香連可下



四疾更防死症。臨門休要錯差。兒多體熱瘦如麻。咳嗽面青聲喘。走馬唇穿齒落。痢多禁口吁嗟。此般即是死冤家。任是神仙也怕。

○四方疹名各別

京師內外呼為溫疹。河南呼為將瘡。陝西山西呼為糠瘡。山左呼為疹子。浙江呼為痧疹。湖廣江西呼為麻疹。福建兩廣雲貴四川呼為疹子。名雖不同。實皆正疹也。調治之法。不殊。避忌之說。無二。

○麻家四忌

一忌薑腥煎炒

疹初出時。以至出齊之日。俱忌食薑腥。即素菜亦忌煎炒。以其能助胃火故也。古云。薑腥素麻信。

哉

一忌生冷湯粥糖食酸鹹

疹初出時。以至出透之日。未免口渴煩躁。喜食生冷。然菓生則難化。物冷則能冰。

故忌之。至粥及米湯糖餅麵食枝圓之類。食之恐助毒火。酸鹹則引咳嗽。俱宜禁止。

一忌風寒

出疹之時。風寒閉塞毛竅。不開毒何由出。即已出又恐收回。要其再出。甚為難矣。慎之慎之。

一忌房帷厭穢

出疹之時。內外俱宜潔淨。勿使污穢氣息。觸犯出疹男女。致生變症。慎之。

○治麻三忌

一忌驟用寒涼

麻雖熱痘。固不宜用辛熱之劑。然初熱之時。虛寔之症未形。驟以苦寒之藥峻攻之。幾何不冰伏。

其毒而不得出。反至內攻乎。故善治者。惟宣毒而不鬱毒。止解毒而不冰毒也。

一忌悞用辛熱

麻水熱症。復投辛熱之物。是猶火上復加薪也。其毒不愈橫乎。故疹初出時。即有四肢厥冷者。亦

熱極似寒。切不可誤認為虛。而妄投以熱藥也。即遇天時大寒。止宜置諸溫室。亦不可投以辛熱之物。以助腹中

之火也。

一忌誤用補瀝

毒火之發。貴疏通而嫌補滯。蓋疏通則毒得外洩而解。補滯則毒必內伏為殃。故初發之時。即吐

瀉不止。切不可誤用參朮訶薤補瀝之藥。以啟內攻之禍。

○麻疹辨論

麻疹皆胎元之毒。而有陰陽之分。痘為陰毒。麻為陽毒。毒藏陰分者。貴陽氣之壯熱。乃得上升而起。灌故治痘必用參耆朮桂。以陽藥而化陰伏之邪。毒在陽分者。貴陰血之活動。始不黑焦而內攻。故治麻多用歸芍地黃。以滋陰而降燥烈之火。況陰主閉藏。故痘毒深而難解。陽主發散。故麻毒淺而易消。且臟陰多虛寒。故治痘之法。雖解毒亦要溫中。腑陽多寔熱。故治麻之道。宜發表而尚清涼。初痘毒必須外化。化盡方可無虞。是以遷延時日。治始貴慮其終。麻毒但要發出。出盡則無後患。是以時曰無多。治此止須解表。然麻毒雖藏於腑。而陽毒之激烈。一發即蒸於肺。肺主皮毛。寔受其毒。故發熱之初。鼻流清涕。咳嗽噴嚏。音啞咽痛。而肺經見症獨多。其異於傷寒者。止有服胞略腫。眼淚汪汪。面浮腮赤。是以知為麻症耳。其初發也。最忌風寒。尤嫌穢濁。宜置之潔淨之所。處於溫暖之室。辛熱之物。忌鬱毒火。萬勿與膏生冷之藥。恐冰毒氣。切莫與食。室內宜有香薰。而使穢不能觸。用藥必須發散。以開肌表之膚。蓋腠理開張。而毒不內鬱。馨香時接。而毒得外升。此初熱之調理。再觀症而察形。若潮熱甚微。二便不秘。飲食如常。精神清爽。身潤澤而有汗。唇不紫而自榮。舌無黃白之苔。口無穢臭之氣。此其內毒最輕。知其症之必順。不須用藥。費辛勤。自可安然平定。若或鼻衄吐血。請君不必驚惶。血從衄解。有何妨。此症從不危亡。嘔吐毒攻胃管。泄瀉莫作虛看。腹痛多為內熱。驚譫心經火旺。初以發熱為是。終以清解為良。發熱三日以後。疹已現。皮膚以火照之。如霞如錦。以手摸之。如粟如麻。一日而出三遍。三日而出九回。至於五六日間。麻毒盡出。其熱漸退。熱退人安。其症方平。當其現形之際。不畏瘡之稠密。惟喜色之紅活。故色之明潤。雖一片成毡。吾亦知其堪救。若瘡來紫黑。雖稀疏不密。吾亦謂其難醫。是以紅色者。輕。紫色者。險。青黑色者。則為不治之症矣。蓋血以載毒。血活則毒必清。毒壅則血必熱。紫而轉黑。則毒凝而血已死矣。又安得活乎。治此之法。如點來焦黑。必以清毒為主。尤以活血為先。凡芩連梔柏翹。莠石膏。元參。知母。甘桔。荆防。一切清肺解毒之藥。此時不容緩進。至於紅花。歸尾。紫草。地黃。丹皮。赤芍。荆芥。芥川。芎。一切滋陰活血之藥。當此急進其方。雖人有強弱。不可因體弱而妄進補劑。以致助毒為虐。在怯弱之兒。不過於解毒劑中。用人參而略扶元氣。第麻雖熱症。亦不可因症熱而過用苦寒。以致耗其元氣。當熱清毒解之餘。即宜調其脾胃。

而思固其本原。若熱盛而藥微則杯水固難救輿薪。倘毒輕而藥重是驅盜自傷其門壁均非所云善治也。總之未出之先宣發為主發盡出自不內攻雖紅腫之甚狀若漆瘡亦不足慮既出之日概以解毒為良毒清血活方能化於皮膚以免餘毒之禍調理得宜十有十全苟失其宜殺人亦如反掌可不慎乎。

○麻疹順症

或熱或退無他症者輕發熱三日見點者輕頭面先見次兩頤透出乃至於足形若芥子色若桃花作二三番齊透者輕紅活潤澤頭面勻淨而多者輕出透三日而後漸收者輕

○麻疹險症

頭面兩頤難透者重兩頤如紫雲成片者重紅紫慘暗乾焦不潤者重疹中央癰氣逆者重咽喉腫痛不食者重移熱大腸變痢者重

○麻疹逆症

發熱五六日不見標者逆黑暗乾枯一出即沒者不治鼻青冀黑者不治鼻扇口張目無神光者不治胸高氣喘心前扇動者不治頭面不出者不治

○麻前治法

痘為陰毒其勢稍緩或死或生尚判於成漿之日麻為陽毒其勢甚烈為存為亡早定於方出之時故發熱三日麻當現於皮膚若腠理緊閉不能出現則毒作內攻須臾告變故痘則慮難成漿麻則懼其不出此麻前痘後最為緊要古今之通義也

○宣毒發表湯加減法

麻與傷寒究竟殊矣施汗下反多虞過用寒涼亦冰毒惟有發表湯相符

釋麻初發熱與傷寒相似但麻疹則面頰赤咳嗽噴嚏鼻流清涕目淚汪汪呵欠喜睡或兼吐瀉為不同耳若以傷寒治而妄施汗下汗則增其熱而咳血煩躁目疼咽痛之症生矣下則虛其裏而滑泄滯下之症起矣更有

慮其毒盛而過用寒涼則毒必冰伏多致內攻喘悶而斃矣故此時治法以宣毒發表湯為主縱有雜症本方加減可也

宣毒發表湯

歌宣毒發表升葛前荆防枳桔薄荷牛連木通竹葉隨甘草寒熱芩麻著意權

薄荷 甘草 各三分 引加芫荽無芫荽用葱白水煎服天氣大寒加麻黃三分天氣大熱加酒炒黃芩五分食滯加山查肉五分

風寒閉塞

麻當初出感風寒身熱無汗頭疼難升麻葛根湯對病蘇芩牛蒡服自安

釋麻疹只怕不能出透出透毒便解矣若發熱之時為風寒所傷必身熱無汗頭疼惡寒而出不快矣宜用升麻葛根湯加蘇葉川芎牛蒡以治之

升麻葛根湯

歌升麻葛根湯四味赤芍甘草麻葛是再加蘇葉芩牛子麻感風寒斯藥治

毒熱壅滯

麻子因何出甚遲毒熱壅滯勢誠危梔仁解毒藥難緩隨症加減服之宜

釋麻當出時有毒熱壅滯而出不快者必大熱薰蒸面赤唇紫煩躁不寧宜用梔仁解毒湯隨症加減治之

梔仁解毒湯

歌梔仁解毒連膏翹牛麻母計分毫柴防赤草佐梔子此外減加細推敲

黃芩 黃連 石膏 連翹 牛子 升麻 知母 柴胡 防風 赤芍 甘草 梔仁 煩渴加麥冬嗽



南京中醫藥大學圖書館藏

甚加杏仁桔梗花粉無汗加麻黃大便秘加酒製大黃

氣虛不出

正氣

虛弱毒難宣面白神疲不樂言扶元詎敢用峻補人參敗毒毋更翻

釋

麻當出時有正氣虛弱不能送毒出外者其人身止微熱面白唇淡精神倦怠然不敢用峻補之劑以人參敗

人參敗毒散

方

疹初欲出奈氣虛人參敗毒保無虞枳桔赤芍參甘草二活之外有二胡

方

枳殼

桔梗

赤茯苓

川芎

人參

甘草

羌活

獨活

柴胡

前胡

生薑

引水煎服

○煩渴

麻

初

煩渴毒上燎津液頻枯胃腕焦加味麻葛治未出已出白虎湯可療

釋

麻症煩渴純是毒火上炎肺焦胃乾心火內亢故也麻未出宜用升麻葛根湯加天花粉麥冬麻已出宜用白

加味升麻葛根湯

方

升麻

葛根

赤芍

甘草

天花粉

麥冬

白虎湯

方

石膏

知母

生甘草

引用粳米水煎服

人參白虎湯合黃連解毒湯

方

人參

知母

生石膏

甘草

黃連

黃柏

黃芩

梔仁

炒糯米

一撮為引水煎熟服壯旺寔熱者去人參

大熱不退渴甚者加竹葉麥冬

謹妄

痲

初謔妄豈無根只因毒盛心神昏未出已出須分治三黃解毒方並存

痲疹初發狂言妄語人事不清此由毒火大盛熱乘於心故也痲未出以三黃石膏湯治之痲已出以黃連解毒湯治之

三黃石膏湯

方錄

麻黃 淡豆豉 石膏 梔仁 黃連 黃芩 黃柏 水煎服

黃連解毒湯

方錄

黃芩 黃柏 梔仁 加丹皮 生地 連翹 甘草 金銀花 引加燈心水煎服

○咳嗽

痲

初咳

痲疹初發咳嗽有因毒盛者有因風寒者毒盛則唇紅目赤煩渴不寧以瀉心湯治之風寒則鼻塞聲重噴嚏惡寒以加味升麻葛根湯治之若痲已出咳嗽此火毒內蒸肺葉焦舉以清金寧嗽湯治之

瀉心湯

方錄

桑白皮 蜜炙 地骨皮 淡竹葉 連翹 元參 天花粉 川貝母 黃連 燈心 甘草

加味升麻葛根湯

方錄

升麻 葛根 赤芍 甘草 前胡 桔梗 蘇葉 杏仁 炒 去皮尖

清金寧嗽湯

方錄

前胡 杏仁 炒 去皮尖 桑白皮 蜜炙 黃連 桔梗 浙貝母 去心 引用生薑紅棗水煎服

○喘急

咳嗽連聲氣喘急痲家遇此最為凶杏仁湯宜未出日出用化痰丸自鬆

釋

痲疹初發熱時未見出現咳嗽不止無汗而氣喘此由表寔毒不得出故也以黃連杏仁湯發之自愈若痲已



南京中醫藥大學圖書館藏

出猶咳嗽氣喘此火毒內蒸肺受煎熬故也以化痰清火丸清之自愈

黃連杏仁湯

錄黃連酒炒陳皮去白杏仁炒麻黃去節枳殼麩炒乾葛生薑引

化痰清火丸

錄犀角連翹母皮各一兩二兩赤芍六錢當歸尾八錢黃連四錢牛蒡五錢共為細末煉蜜為丸如彈子

大淡竹葉湯下

○咽痛

毒火薰蒸氣上騰咽喉自此痛頻增甘桔湯通前後用加減停當效自宏

釋麻疹咽痛本為常候乃火毒薰蒸而痛也勿與喉痺同論妄用鍼刺只以甘桔湯為主按其前後表裏加減用

甘桔湯

錄甘草生桔梗牛蒡燈心十莖為引水煎服表裏加防風荆芥升麻元參裏熱加黃芩連翹元參

○腹痛

麻前腹痛辨宜真毒壅食滯是其因毒壅敗毒散甚妙食滯平胃散如神

釋麻前腹痛有由毒壅者有由食滯者毒壅則面赤唇紅煩渴不寧以荆防敗毒散治之食滯則精神倦怠腹中

作脹以加味平胃散治之

荆防敗毒散

錄荆芥防風升麻生地黃芩酒炒黃連酒炒桔梗連翹牛蒡元參黃柏酒炒人參淡竹葉

甘草燈心十莖水煎服

加味平胃散

